

জনসংযোগ কার্যালয়

জাহাঙ্গীরনগর বিশ্ববিদ্যালয়

সাভার, ঢাকা, বাংলাদেশ

ফোন: ৭৭৯১০৪৫-৫১



Public Relations Office

Jahangirnagar University

Savar Dhaka Bangladesh

Phone: +88027791045-51

প্রেস বিজ্ঞপ্তি

অধ্যাপক ড. ফারজানা ইসলাম-এর দ্বিতীয় মেয়াদের ২ বছর পূর্তিতে অভিনন্দন ॥

বিশ্ববিদ্যালয়ের অগ্রযাত্রায় সংশ্লিষ্ট সকলের সহযোগিতা কামনা

জাহাঙ্গীরনগর বিশ্ববিদ্যালয়, ২ মার্চ ২০২০।

জাহাঙ্গীরনগর বিশ্ববিদ্যালয়ের উপাচার্য অধ্যাপক ড. ফারজানা ইসলাম-এর দ্বিতীয় মেয়াদের দ্বিতীয় বর্ষ পূর্তিতে আজ বিশ্ববিদ্যালয়ের শিক্ষক, অফিসার, কর্মচারি ও ছাত্র-ছাত্রীগণ তাঁকে প্রাণঢালা শুভেচ্ছা ও অভিনন্দন জানিয়েছেন। ২০১৮ সালের ২ মার্চ তিনি ৪ বছরের জন্য দ্বিতীয় মেয়াদে উপাচার্যের দায়িত্বগ্রহণ করেন। তিনি প্রথম মেয়াদে ৪ বছর এবং দ্বিতীয় মেয়াদে ২ বছর মোট ৬ বছরে বিশ্ববিদ্যালয়ের শিক্ষা, গবেষণা ও ভৌত অবকাঠামো উন্নয়নে যে অবদান রেখেছেন, সকলে তার উচ্ছ্বসিত প্রশংসা করেন। দায়িত্ব পালনের ৬ বছর পূর্তি উপলক্ষে উপাচার্য তাঁর অনুভূতি ব্যক্তকালে উপাচার্য মহামান্য রাষ্ট্রপতি ও চ্যান্সেলর জনাব আবদুল হামিদ, মাননীয় প্রধানমন্ত্রী শেখ হাসিনা, শিক্ষামন্ত্রী, শিক্ষাসচিব এবং ইউজিসির চেয়ারম্যানের প্রতি কৃতজ্ঞতা প্রকাশ করেন এবং তাঁদেরকে আন্তরিক অভিনন্দন জানান।

উপাচার্য বলেন, আমি উপাচার্যের দায়িত্ব পালনে ‘একযোগে চলার’ নীতিতে বিশ্বাস করি। এ লক্ষ্যে আমি বিশ্ববিদ্যালয় পরিবারের সকলের কথা শুনি। অবশিষ্ট সময়ের দায়িত্ব পালনকালেও এ ধারা অব্যাহত রাখা হবে। উপাচার্য তাঁর সময়ে বিশ্ববিদ্যালয়ে বিভিন্ন উন্নয়নমূলক কর্মকাণ্ডের বিবরণ তুলে ধরে বলেন, বিগত অর্থবছরে কয়েকটি অসম্পন্ন কাজসহ উল্লেখযোগ্য নির্মাণ, উন্নয়ন ও সংরক্ষণমূলক কাজ সম্পন্ন করা হয়েছে। ১৩৯টি উন্নয়ন কাজ শুরু করা হয়েছে, যার মধ্যে ১৩৫টি কাজের শতভাগ শেষ হয়েছে। বাকী কাজগুলো গড়ে ৯৮% ভাগ সম্পন্ন হওয়ার পথে। উপাচার্য বিশ্ববিদ্যালয়ের চলমান উন্নয়ন প্রকল্প নিয়ে বলেন, প্রায় সাড়ে ১৪শত কোটি টাকা ব্যয়সংবলিত “জাহাঙ্গীরনগর বিশ্ববিদ্যালয়ের অধিকতর উন্নয়ন” শীর্ষক একটি প্রকল্প-প্রস্তাব ২০১৮ সালে সরকার অনুমোদন করে। এ বিশ্ববিদ্যালয়ের ইতিহাসে এটি সবচেয়ে বড় উন্নয়ন বাজেট। তিনি বলেন, এই প্রকল্পের আওতায় ১০-তলা বিশিষ্ট প্রশাসনিক ভবন, ১০০০ জন ছাত্র ও ১০০০ জন ছাত্রীর জন্য ৩টি করে ১০-তলা বিশিষ্ট মোট ৬টি হল, বিভিন্ন হলের হাউজ টিউটরদের জন্য ১০-তলা বিশিষ্ট ১টি বাসভবন, শহীদ রফিক-জব্বার হলের উত্তর ব্লকের ৪র্থ ও ৫ম তলা নির্মাণ, ১০-তলা বিশিষ্ট ১টি প্রভোস্ট কমপ্লেক্স, শিক্ষক ও অফিসারদের জন্য ১টি করে ১১-তলা বিশিষ্ট আবাসিক টাওয়ার, তৃতীয় শ্রেণি, চতুর্থ শ্রেণি কর্মচারী ও পরিচ্ছন্ন কর্মীদের জন্য ১টি করে ১১-তলা বিশিষ্ট আবাসিক টাওয়ার, ১০-তলা বিশিষ্ট ১টি গেস্ট হাউজ কাম পোস্ট গ্রাজুয়েট গবেষক হাউজ, জীববিজ্ঞান অনুদ, সমাজবিজ্ঞান অনুদ, কলা ও মানবিকী অনুদ ও গাণিতিক ও পদার্থ বিষয়ক অনুদ ভবনের আনুভূমিক সম্প্রসারণের জন্য ৬-তলা বিশিষ্ট ৪টি নতুন ভবন, ৬-তলা বিশিষ্ট ১টি লেকচার থিয়েটার এবং পরীক্ষা হল, ৬-তলা বিশিষ্ট ১টি লাইব্রেরি ভবন এবং ৩-তলা বিশিষ্ট ১টি স্পোর্টস কমপ্লেক্স নির্মাণের প্রস্তাব করা হয়েছে। এই প্রকল্পে আরও প্রস্তাব করা হয়েছে- জহির রায়হান মিলনায়তনের মডিফিকেশন, সেলিম আল দীন মুক্তমঞ্চের উন্নয়ন, ছাত্রীদের জন্য একটি খেলার মাঠ এবং আল-বেরুণী হলের খেলার মাঠের উন্নয়ন। এছাড়াও, প্রকল্পটিতে ১টি মিনিবাস, ১টি ডাবল কেবিন পিক-আপ, ২টি গ্র্যামুলেস, গ্যাস লাইন সম্প্রসারণ, অফিস আসবাবপত্র, বৈদ্যুতিক লাইন সম্প্রসারণ এবং ২২টি ট্রান্সফরমার স্থাপন, পানির লাইন সম্প্রসারণ ও ১০টি গভীর নলকূপ স্থাপন, ব্রিজ ও ড্রেনসহ অভ্যন্তরীণ রাস্তা নির্মাণের প্রস্তাব করা হয়েছে।

উপাচার্য তাঁর অভিব্যক্তিতে আরও বলেন, বিশ্ববিদ্যালয়ে জ্ঞানের নব নব ক্ষেত্র আবিষ্কার ও মুক্তবুদ্ধির চর্চা হবে এটাই স্বাভাবিক। আমাদের শিক্ষক-শিক্ষার্থীরা প্রকৃত শিক্ষার অন্বেষণে সদা ব্যাপ্ত থাকবেন, এটি সকলের প্রত্যাশা। আমরা প্রতিষ্ঠানে পরমত-সহিষ্ণুতা, পারস্পরিক শ্রদ্ধাবোধ, যুক্তি ও ন্যায় ভিত্তিক ভাবনা এবং গণতান্ত্রিক সংস্কৃতির অনুশীলনে শিক্ষার্থীদের উৎসাহিত করতে চাই।

Suad

মো. আবদুস সালাম মিঞা
পরিচালক (ভারপ্রাপ্ত)

